

ХӨДӨЛМӨР, НИЙГМИЙН ХАМГААЛЛЫН САЙД,
ХУУЛЬ ЗҮЙ, ДОТООД ХЭРГИЙН САЙД,
ЭРҮҮЛ МЭНДИЙН САЙДЫН ХАМТАРСАН ТУШААЛ

2017 оны 10 дугаар
сарын 04-ны өдөр

Дугаар А/173...17/2017 А/328

Улаанбаатар
хот

Журам батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Гэр бүлийн хүчирхийлэлтэй тэмцэх тухай хуулийн 20.3 дахь хэсгийг үндэслэн ТУШААХ НЬ:


1. “Хамтарсан багийн ажиллах, үйл ажиллагааг санхүүжүүлэх журам”-ыг нэгдүгээр, “Хамтарсан багийн үйлчилгээнд хэрэглэх багц маяг”-ыг хоёрдугаар, үйлчлүүлэгчтэй байгуулах “Нууцын гэрээ”-ний загварыг гуравдугаар хавсралтаар тус тус баталсугай.


2. Хамтарсан багийн ажиллах, үйл ажиллагааг санхүүжүүлэх журмын хэрэгжилтийг хангаж ажиллахыг Гэмт хэргээс урьдчилан сэргийлэх ажлыг зохион байгуулах зөвлөл, салбар зөвлөл, Гэр бүл, хүүхэд, залуучуудын хөгжлийн газар, аймаг, нийслэл, дүүргийн Гэр бүл, хүүхэд, залуучуудын хөгжлийн газар /хэлтэс/, Цагдаагийн газар /хэлтэс/, Эрүүл мэндийн газар /төв/, бүх шатны Засаг дарга нарт үүрэг болгосугай.

3. Хамтарсан багийн үйл ажиллагаанд шаардагдах хөрөнгийг жил бүр эдийн засаг, нийгмийг хөгжүүлэх үндсэн чиглэл, улсын болон орон нутгийн төсөвт тусгаж, олон улсын байгууллагын төсөл, хөтөлбөрт хамруулах замаар санхүүжүүлэх арга хэмжээ авахыг аймаг, нийслэлийн Засаг дарга нарт үүрэг болгосугай.

4. Энэ тушаалын хэрэгжилтэд хяналт тавьж ажиллахыг Хөдөлмөр, нийгмийн хамгааллын яамны Хүн амын хөгжлийн газар /С.Тунгалагтамир/-т, Хууль зүй, дотоод хэргийн яамны Бодлогын хэрэгжилтийг зохицуулах газар /Э.Энхтуяа/-т, Эрүүл мэндийн яамны Нийгмийн эрүүл мэндийн газар /Д.Ганцэцэг/-т тус тус даалгасугай.

5. Энэ журам гарсантай холбогдуулан Хөдөлмөр, нийгмийн хамгааллын сайдын 2016 оны 12 дугаар сарын 26-ны А/328 тоот тушаалыг хүчингүй болсонд тооцсугай.





Хөдөлмөр, нийгмийн хамгааллын сайд,
Хууль зүй, дотоод хэргийн сайд, Эрүүл
мэндийн сайдын 2017 оны 10 сарын 04-
ны өдрийн А/173.1/2017/1/2017 тоот
хамтарсан тушаалын нэгдүгээр хавсралт

ХАМТАРСАН БАГИЙН АЖИЛЛАХ, ҮЙЛ АЖИЛЛАГААГ САНХҮҮЖҮҮЛЭХ ЖУРАМ

Нэг. Нийтлэг үндэслэл

1.1. Энэхүү журмын зорилго нь сум /аймгийн төвийн сумын баг/, нийслэлийн хорооны түвшинд Хамтарсан багаас Гэр бүлийн тухай, Хүүхдийн эрхийн тухай, Гэр бүлийн хүчирхийлэлтэй тэмцэх тухай, Хүүхэд хамгааллын тухай болон бусад холбогдох хууль тогтоомжийг хэрэгжүүлж ажиллах, түүний үйл ажиллагааг санхүүжүүлэхтэй холбоотой харилцааг зохицуулахад оршино.

1.2. Хамтарсан баг нь Гэр бүлийн тухай, Гэр бүлийн хүчирхийлэлтэй тэмцэх тухай, Хүүхдийн эрхийн тухай, Хүүхэд хамгааллын тухай болон холбогдох хууль тогтоомжтой нийцэж гарсан дүрэм, журмыг үйл ажиллагаандаа дагаж мөрдөнө.

1.3. Хамтарсан баг нь Гэр бүлийн хүчирхийлэлтэй тэмцэх тухай болон Хүүхэд хамгааллын тухай хууль тогтоомжийг хэрэгжүүлэх үүрэг бүхий Засаг даргаар ахлуулсан зохион байгуулалтын хэлбэр бөгөөд гэр бүл, хүүхдийн эсрэг хүчирхийллээс урьдчилан сэргийлэх, эрт шатанд илрүүлэх, таслан зогсоох, хохирогчийг нөхөн сэргээхэд чиглэсэн цогц үйлчилгээг үзүүлнэ.

1.4. Хамтарсан баг нь гэр бүлийн гишүүдийг гэр бүлийн хүчирхийллээс, хүүхдийг гэр бүлийн болон нийгмийн бусад орчинд хүчирхийлэл, эрсдэлт нөхцөлд өртөхөөс урьдчилан сэргийлэх, мэдээлэл хүлээн авах, илрүүлэх, шалгах, хүчирхийллийг таслан зогсоох, аюулгүй байдлыг хангах, нөхцөл байдлын үнэлгээ хийх, эрх ашиг нь хөндөгдсөн үед нийгмийн ажлын мэргэжлийн цогц үйлчилгээг анхан шатанд үзүүлэх үүрэгтэй.¹

1.5. Хамтарсан баг нь Гэр бүлийн хүчирхийлэлтэй тэмцэх тухай хуулийн 37, 38.1.1, 40, 41, 42 дугаар зүйлд заасны дагуу бүх насны хохирогчийг хамгаалан эмнэлгийн тусламж үйлчилгээ, нийгмийн халамжийн үйлчилгээ, хүүхэд хамгаалал, сэтгэл зүйн зөвлөгөө, холбон зуучлах үйлчилгээг холбогдох журмын дагуу үзүүлнэ.

1.6. Хамтарсан баг Хүүхэд хамгааллын тухай 10, 11, 12, 13, 14, 15, 16 дугаар зүйл болон 17.1.4 дэх заалтын дагуу нийгмийн бүх орчинд хүүхдийн эсрэг хүчирхийлэл, гэмт хэрэг, зөрчил, эрсдэлт нөхцөлд өртөхөөс урьдчилан сэргийлэх, мэдээлэл хүлээн авах, илрүүлэх, шалгах, хүчирхийллийг таслан зогсоох, аюулгүй байдлыг хангах, нөхцөл байдлын үнэлгээ хийх, эрсдэлт нөхцөлд байгаа хүүхдэд хариу үйлчилгээ үзүүлж хүүхэд, гэр бүлийн гишүүдийн эрх ашгийг хамгаалах, нөхөн сэргээх

¹ Хүүхэд хамгааллын тухай хуулийн 10.1, Гэр бүлийн хүчирхийлэлтэй тэмцэх тухай хуулийн 20.2

шаардлагатай үйлчилгээнд холбон зуучлах, хүүхдийг гэр бүлд нь эргэн нэгтгэн, үйлчилгээний үр дүнг хянаж, тайлагнана.

Хоёр. Хамтарсан багийг байгуулах, дэмжих үйл ажиллагаа

2.1. Сум, дүүргийн Иргэдийн Төлөөлөгчдийн Хурал тухайн орон нутагт ажиллах хамтарсан багийг өрхийн эмч /эрүүл мэндийн нийгмийн ажилтан, сум/ баг-ийн хорооны нийгмийн ажилтан/ нийгмийн бодлогын мэргэжилтэн, сургуулийн, халамжийн, хүүхэд гэр бүлийн хөгжлийн нийгмийн ажилтан, цагдаагийн ажилтан, шаардлагатай бол цэцэрлэгийн арга зүйч, хүүхэд, гэр бүлд үйлчилгээ үзүүлдэг төрийн бус байгууллагын төлөөлөл бүхий бүрэлдэхүүнтэй байгуулах тухай тогтоол гаргаж, үйл ажиллагаанд нь хяналт тавьж ажиллана.²

2.2. Хамтарсан багийг сум, хороо/баг-ийн Засаг дарга /цаашид- багийн ахлагч гэх/ ахалж, багаа тогтвортой ажиллах нөхцөл бүрдүүлж, удирдлага, зохион байгуулалтаар хангаж ажиллана.

2.3. Хамтарсан багийн нарийн бичгийн даргаар суманд Засаг даргын Тамгын газрын нийгмийн бодлогын мэргэжилтэн, хороонд хөгжлийн нийгмийн ажилтан, багт багийн нийгмийн ажилтан /цаашид нарийн бичиг гэнэ/ ажиллана.

2.4. Хамтарсан баг шаардлагатай тохиолдолд хуульч, өмгөөлөгч, сэтгэл зүйч, хэлмэрч, орчуулагч, хэсгийн ахлагч, олон нийтийн цагдаа, иргэний бүртгэлийн ажилтан болон хүний эрх, хүүхдийн эрх, хамгаалал, хүчирхийллийг судлах асуудлаар мэргэшсэн байгууллага, мэргэжилтний дэмжлэг, туслалцааг авна.

2.5. Аймаг, нийслэл, дүүргийн Засаг дарга нь орон нутгийн хамтарсан багийн үйл ажиллагааг идэвхжүүлэх, салбар дундын зохицуулалтыг хангах, удирдлага зохион байгуулалтыг сайжруулах, үйл ажиллагааны үр дүнг хянах, үйл ажиллагаанд санхүүгийн дэмжлэг үзүүлэх талаар шийдвэр гаргана.

2.6. Хамтарсан багийн үйл ажиллагаанд сум, дүүрэг, аймаг, нийслэлийн Гэмт хэргээс урьдчилан сэргийлэх ажлыг зохицуулах зөвлөл, Хүүхэд гэр бүлийн хөгжлийн асуудал хариуцсан төрийн захиргааны байгууллага, Хүүхдийн төлөө зөвлөл мэргэжил, арга зүйн дэмжлэг үзүүлж, хяналт тавих, чиглэл өгөх үүрэг хүлээнэ.

2.7. Аймаг, дүүрэг, нийслэлийн гэр бүл, хүүхэд, залуучуудын хөгжлийн асуудал хариуцсан төрийн захиргааны байгууллага гэр бүл, хүн амын бүлэг, хүүхдийн эрх, хамгааллын чиглэлээр мэргэшсэн судлаач, зөвлөх бүхий мэргэжил, арга зүйн дэмжих баг ажиллуулж болно.

2.8. Хүүхдийн эрхийн ажилтан, Хүүхдийн элч хамтарсан багийн үйл ажиллагаанд хөндлөнгийн хяналт тавьж ажиллана.

2.9. Хүүхдийн эрхийн хууль зүйн хороо, хохирогчийг түр хамгаалах байр, хариу үйлчилгээний нэгж нь хамтарсан багтай хүчирхийллийн тохиолдол бүрт харилцан

² Гэр бүлийн хүчирхийлэлтэй тэмцэх тухай хуулийн 18.1.5

уялдаатай ажиллаж, зарчмын санал, мэдээ мэдээлэл, удирдамж, хүсэлт ирүүлэх зэргээр хамтран ажиллана.

2.10. Хамтарсан багт ажиллахад хувь гишүүний, багийн гишүүний хамтын болон удирдлагын үүрэг ногдоно. Хамтарсан багийн гишүүн ажлаас гарах, өөрчлөгдөх үед ажлын мэдээллийг нууцлах, үл задруулах үүрэг хүлээх ба тухайн албан тушаалд шинээр томилогдсон хүн, уг гишүүний үүргийг үргэлжлүүлэн гүйцэтгэнэ.

Гурав. Хамтарсан багийн зохион байгуулалт, гишүүдийн үүрэг

3.1. Хамтарсан багийн зохион байгуулалт

3.1.1. Хамтарсан баг ажлаа хагас, бүтэн жилээр төлөвлөн хэрэгжүүлж, тайлангаа аймаг, нийслэлийн Засаг даргын Тамгын газар, Гэмт хэргээс урьдчилан сэргийлэх ажлыг зохицуулах салбар зөвлөл, орон нутгийн гэр бүл, хүүхэд, залуучуудын асуудал хариуцсан төрийн захиргааны байгууллагад хүргүүлнэ.

3.1.2. Хамтарсан багийн гишүүдийн харьяалах тус тусын байгууллагад тухайн гишүүний үйл ажиллагааны талаар мэдээлэл, тайланг Багийн ахлагч хүргүүлж болно.

3.1.3. Хамтарсан багийн хурал төлөвлөсөн болон шуурхай хэлбэртэй байна. Төлөвлөсөн хурал нь тогтсон цаг хугацаанд, шуурхай хуралдаан нөхцөл байдлыг үндэслэн зарласнаар явагдана. Ажлын бус цагт зарласан хурал, уулзалтыг багийн ахлагчид заавал танилцуулж, зөвшилцөх, өгсөн үүрэг чиглэлийг хэрэгжүүлэх арга хэмжээ авна.

3.1.4. Багийн хуралдаан 51-ээс дээш хувийн ирцтэй тохиолдолд хүчин төгөлдөр байна.

3.1.5. Хамтарсан багийн шийдвэр хурлын тэмдэглэлээр баталгаажна. Тэмдэглэлд хуралд оролцсон гишүүд гарын үсэг зурсан байна. Хурлын тэмдэглэлд тухайн хурлаар хэлэлцсэн асуудлын холбогдох баримт бичгийн хувийг хавсаргаж болно.

3.2. Хамтарсан багийн гишүүдийн үүрэг

3.2.1. Хамтарсан багийн гишүүд Гэр бүлийн хүчирхийлэлтэй тэмцэх тухай, Хүүхэд хамгааллын тухай хууль тогтоомжид заасан тус тусын чиг үүргийг биелүүлж ажиллана.

3.2.2. Багийн ахлагч багийн өдөр тутмын үйл ажиллагааг удирдлага, зохион байгуулалтаар хангаж, багийн үйлчилгээний чадавхийг бэхжүүлэх, үйл ажиллагааны санхүүжилтийг өргөжүүлэх арга хэмжээ авах үүрэг хүлээнэ.

3.2.3. Нарийн бичиг Гэр бүлийн хүчирхийлэлтэй тэмцэх тухай хуулийн 26 дугаар зүйлийн 26.1-т заасан үүргийг хүлээхээс гадна багийн гишүүдийн чиг үүргийг хуваарилах, оролцоо, үр дүнг хянах үүрэг хүлээнэ.

3.2.4. Хамтарсан багийн гишүүд мэргэжлийн ёс зүйг баримтлан, ажил үүргээ хариуцлагатай гүйцэтгэж, хамтарсан багийн үйл ажиллагааг олон нийтэд сурталчлах ажлыг зохион байгуулна.

3.2.5. Хамтарсан багийн гишүүд орон нутагтаа үйлчилгээний зураглал гаргаж, дутагдаж байгаа үйлчилгээг бий болгох, хэрэгжүүлэх асуудлыг судалж, шийдвэрлэнэ.

3.2.6. Хамтарсан багийн гишүүд болзошгүй эрсдэлийг урьдчилан тодорхойлж, эрсдэлийг бууруулах чиглэлээр хуулиар хүлээсэн үүргийн дагуу зохих талуудтай хамтран ажиллана.

3.2.7. Хамтарсан багийн гишүүн сургуулийн нийгмийн ажилтан, цэцэрлэгийн арга зүйч нь Гэр бүлийн хүчирхийллийн тухай хуульд зааснаас гадна хүүхдийн боловсролын үйлчилгээний тасралтгүй байдлыг хангана.

Дөрөв. Хамтарсан багийн үйлчилгээ

4.1. Урьдчилан сэргийлэх үйлчилгээ:

4.1.1. Хамтарсан баг гэр бүлийн хүчирхийлэл, нийгмийн бусад орчинд хүүхдийн эсрэг хүчирхийлэл, зөрчил гарахад хүргэж болох эрсдэлийг бууруулах, тохиолдлыг эрт илрүүлэх, хохирлыг багасгах, хамгаалах арга замыг бэхжүүлэх, олон нийт, байгууллага, зорилтот бүлэг, иргэдийн хүчирхийллийг үл тэвчих хандлага, мэдлэгийг нэмэгдүүлэх зорилгоор урьдчилан сэргийлэх үйл ажиллагааг үе шаттай зохион байгуулна.

4.1.2. урьдчилан сэргийлэх ажил, үйлчилгээний хугацаатай хөтөлбөр, төлөвлөгөөг гарган хэрэгжилтийг хангах;

4.1.3. хүчирхийллийн болзошгүй эрсдэлтэй гэр бүлийг илрүүлэх, мэдээлэх, хүчирхийллийг таслан зогсоох, үйл ажиллагааг төлөвлөн хэрэгжүүлэх;

4.1.4. гэр бүлийн хүчирхийллээс урьдчилан сэргийлэх талаар олон нийтэд зориулсан сургалт, сурталчилгааг зохион байгуулах;

4.1.5. нутаг дэвсгэрийн хэмжээнд хүүхэд, гэр бүлийн гишүүд хүчирхийлэл, гэмт хэрэг, эрсдэлт нөхцөлд өртөхөөс урьдчилан сэргийлэх үйл ажиллагаанд олон нийтийг татан оролцуулах, иргэдийн хяналтыг бий болгох;

4.1.6. хүүхэд хүмүүжүүлэх эерэг аргыг эцэг эх, асран хамгаалагч, багш, сурган хүмүүжүүлэгч нарт сурталчлах, түгээн дэлгэрүүлэх ажлыг зохих талуудтай хамтран зохион байгуулах;

4.2. Хариу үйлчилгээ:

4.2.1. хариу үйлчилгээ нь Хүүхэд хамгааллын тухай хуулийн 10 дугаар зүйлийн 10.1, Гэр бүлийн хүчирхийлэлтэй тэмцэх тухай хуулийн 33 дугаар зүйлийн 33.1-т заасан үйлчилгээ байна.

4.2.2. Хамтарсан багт хандсан дуудлага, мэдээллийг сум, хорооны нийгмийн ажилтан, түүний эзгүйд чиг үүргийг түр орлон гүйцэтгэж байгаа багийн гишүүн холбогдох маягтын дагуу хүлээн авч, бүртгэлд авна.

4.2.3. Ажлын бус цагаар эмнэлэг болон цагдаагийн байгууллагад ирсэн холбогдох дуудлага, мэдээлэлтэй нийгмийн ажилтан шуурхай танилцан, бүртгэлд оруулна.

4.2.4. Хамтарсан баг зорилтот дуудлага, мэдээллийг шалган хүчирхийлэлд өртсөн, өртөх эрсдэлтэй хүүхэд, иргэн, гэр бүлд аюулын зэргийн үнэлгээ, нөхцөл байдлын үнэлгээг хийнэ.

4.2.5. Аюулын зэргийн болон нөхцөл байдлын үнэлгээнд үндэслэн яаралтай үед нэн даруй, бусад нөхцөлд 72 цагт багтаан үйлчилгээг маягтын дагуу төлөвлөж, үзүүлнэ.

4.2.6. Хамтарсан багийн гишүүн тухайн хүүхэд, иргэн, гэр бүлийг үйлчилгээнд хамруулах саналаа төлөвлөж, холбогдох үндэслэлийн хамт бэлтгэн багийн хуралдаанд танилцуулж шийдвэрлүүлнэ.

4.2.7. Үйлчлүүлэгчийн хувийн хэрэгт аюулын зэргийн болон нөхцөл байдлын үнэлгээ, үйлчилгээний явц, ярилцлагын тэмдэглэл, үйл явцын тэмдэглэл, нотлох бусад баримтыг хавсарган үйлчилгээг баримтжуулж, нууцлалыг хадгална.

4.2.8. Хамтарсан багийн гишүүн үйлчлүүлэгчээс зөвшөөрөл авсны үндсэн дээр үйлчилгээнд гэрэл зураг авах, дуу дүрсний бичлэг хийх зэргээр баримтжуулна.

4.2.9. Нарийн бичиг Хамтарсан багийн үйлчилгээний мэдээллийн сангаас хувийн хэргийн дугаар авч, үйлчилгээний мэдээллийг оруулна.

4.2.10. Нарийн бичиг үйлчилгээг үйлчлүүлэгчийн хүсэлтээр зогсоох, үйлчилгээний үр дүнг үнэлэх, хувийн хэргийг хаах үед холбогдох баримтыг хавсарган, хянаж, гарын үсэг зурж, баталгаажуулна.

Тав. Хамтарсан багийн үйл ажиллагааны санхүүжилт

5.1. Хамтарсан багийн үйл ажиллагаанд шаардагдах зардлыг улсын болон орон нутгийн төсөв, хуулиар завшөөрөгдсөн бусад эх үүсвэрээс санхүүжүүлнэ.

5.2. Хамтарсан багийн үйлчилгээний зардлын төсвийг сум, дүүрэг, аймаг, нийслэлийн Засаг дарга нь жил бүр гэр бүлийн хүчирхийлэлтэй тэмцэх үйл ажиллагааны зардалд тусгайлан төсөвлөн Төсвийн тухай хуулийн 8 дугаар зүйлийн 8.5.1, 8.5.3-т заасан хугацаанд тухайн шатны Иргэдийн Төлөөлөгчдийн хуралд өргөн мэдүүлнэ.

5.3. Тухайн шатны иргэдийн Төлөөлөгчдийн хурал нь Засаг даргын өргөн мэдүүлсэн төсвийг Гэр бүлийн хүчирхийлэлтэй тэмцэх тухай хуулийн 18 дугаар зүйлийн 18.1.2-т заасны дагуу хэлэлцэн батална.

5.4. Хамтарсан багийн урьдчилан сэргийлэх үйл ажиллагааны зардлыг Гэмт хэргээс урьдчилан сэргийлэх ажлыг зохицуулах зөвлөл, аймаг орон нутгийн салбар зөвлөл санхүүжүүлж болно.

5.5. Энэ журмын 4.2.1-т заасан үйлчилгээ үзүүлэх зардлыг тухайн асуудлыг эрхэлсэн төрийн захиргааны төв байгууллага хариуцна.

5.6. Энэ журмын 5.5-т заасан зардлыг тухайн асуудал эрхэлсэн төрийн захиргааны төв байгууллагаас санхүүжүүлэх аргачлал, жишиг зардлыг тооцож мөрдөж болно.

5.7. Үйл ажиллагаа, санхүүгийн тайланг Гэр бүлийн хүчирхийлэлтэй тэмцэх тухай хуулийн 45 дугаар зүйлд заасны дагуу тайлагнана.

Зургаа. Үйлчилгээний нууцлал

6.1. Үйлчлүүлэгчийн тулгарсан асуудал, үйлчилгээний холбоотой мэдээллийг нууцлахыг хүссэн зүйл өөрт нь эсхүл бусад хүмүүсийн амь нас, эрүүл мэнд, аюулгүй байдалд сөргөөр нөлөөлөх өндөр эрсдэлтэй байх, хамтарсан багийн гишүүд хуулиар хүлээсэн үүргээ биелүүлэхэд нь саад болохоос бусад тохиолдолд үйлчлүүлэгчийн нууцлалыг хуулийн дагуу хадгалах үүрэг хүлээнэ.


6.2. Хамтарсан баг үйлчилгээ үзүүлэхдээ “Нууцын гэрээ”-г хамтарсан багийн хуралдаанд оролцож буй, үйлчилгээ үзүүлэх явцад хамтарч буй байгууллага, хувь хүнтэй байгуулна.

6.3. Энэ журмын 6.2-т заасан гэрээ байгуулаагүйгээс хувь хүний нууцтай холбоотой мэдээлэл олон нийтэд задарсан тохиолдолд уг асуудлыг хамтарсан багаар хэлэлцэж, шаардлагатай тохиолдолд хуулийн дагуу шийдвэрлүүлэхээр холбогдох байгууллагад хандана.

Долоо. Бусад зүйл

7.1. Хамтарсан багийн үйл ажиллагаанд Гэр бүлийн хүчирхийлэлтэй тэмцэх тухай хуулийн 12.2.4 дахь заалтын дагуу Гэмт хэргээс урьдчилан сэргийлэх ажлыг зохицуулах салбар зөвлөл, Хүүхэд хамгааллын тухай хуулийн 22.1.1, 22.1.3, 22.1.4, 22.1.5, 22.1.6, 22.1.7 дахь заалтын дагуу Хүүхэд, гэр бүлийн хөгжлийн асуудал эрхэлсэн төрийн захиргааны байгууллага хяналт, шинжилгээ, үнэлгээ, шаардлагатай гэж үзвэл зохих тал хөндлөнгийн үнэлгээ хийнэ.

----ooOoo---



ХАМТАРСАН БАГИЙН ҮЙЛЧИЛГЭЭНИЙ ТӨЛӨВЛӨГӨӨ
 Маягт ХБ 01

Тохиолдолын дугаар:

Он сар өдөр:

Нийгмийн ажилтны нэр:

Үйлчилгээний ерөнхий зорилго:

Д/д	Зорилтууд	Үйл ажиллагаа	Шалгуур үзүүлэлт	Хугацаа	Хариуцах хүн	Нөөц	Биелэлт
1	Зорилт 1						
2	Зорилт 2						
3	Зорилт 3						

Үйлчилгээний үр дүнд үйлчлүүлэгч, гэр бүлд гарсан ахиц, өөрчлөлт: /товч/

.....

Үйлчилгээний төлөвлөлтөд оролцсон :

..... /...../
 /гарын үсэг/ /гарын үсгийн тайлал /
 /...../
 /гарын үсэг/ /гарын үсгийн тайлал
 /...../
 /гарын үсэг/ /гарын үсгийн тайлал

Үйлчилгээг төлөвлөсөн багийн гишүүд:

..... /...../

Нэр:..... Албан тушаал
/гарын үсэг /

Нэр:..... Албан тушаал
/гарын үсэг /

Нэр:..... Албан тушаал
/гарын үсэг /

Нэр:..... Албан тушаал
/гарын үсэг /

Нэр:..... Албан тушаал
/гарын үсэг /

Нэр:..... Албан тушаал
/гарын үсэг /

Нэр:..... Албан тушаал
/гарын үсэг /

ЯРИЛЦЛАГЫН ТЭМДЭГЛЭЛ

Маягт ХБ 02

Ярилцлага хийсэн газар:.....Огноо:

Ярилцаж буй хүний нэр:

Үйлчлүүлэгчтэй ямар хамаатай болох:

Ярилцлагын дугаар: _____

Ярилцлагын хэлбэр: биечлэн утсаар цахим хэлбэрээр

Эхэлсэн ___цаг ___мин

Үргэлжилсэн хугацаа: _____ цаг _____ мин _____ сек


Ярилцлагын зорилго: _____

Ярилцлагын тэмдэглэл:

--

Ярилцлага хийх явцад төрсөн нийгмийн ажилтны сэтгэгдэл:

--



Цаашид үзүүлэх шаардлагатай үйлчилгээ:

Ярилцлага өгөгчийн үзэж байгаагаар:

.....
.....
.....

Нийгмийн ажилтны үзэж байгаагаар:

.....
.....
.....

Дууссан: ____ цаг ____ мин

.....
/Албан тушаал/

.....
/гарын үсэг/

/...../
/гарын үсгийн тайлал /

ҮЙЛ ЯВЦЫН ТЭМДЭГЛЭЛ

Маягт ХБ 03

Хувийн хэргийн код:

Огноо:

Үйл явцын нэр:
Үйл явц болсон газар:
Үйл явц өрнөсөн шалтгаан:
Үйл явцад оролцсон хүмүүс:
Оролцогчид үйл явцад ямар үүрэг гүйцэтгэсэн:
Үйл явцын тэмдэглэл:
Үйл явцын талаарх нийгмийн ажилтны дүгнэлт:

.....
/Албан тушаал/

.....
/гарын үсэг/

/...../
/гарын үсгийн тайлал /

ТОХИОЛДЛЫГ ШИЛЖҮҮЛЭХ МАЯГТ
Маягт ХБ 04

2 хувь үйлдэнэ.

Хувийн хэргийн код: _____

Огноо: 20 _ он __ сар __ өдөр

Хаанаас: Сум/хорооны нэр:

Хааш нь: Шилжүүлэх сум /хороо/ байгууллага:

Тохиолдолын талаарх товч дүгнэлт:

--

Шилжүүлэх болсон шалтгаан:

--

Хэрэгцээ, шаардлагатай үйлчилгээний арга зүйн зөвлөмж:

--

.....

Тохиолдолыг шилжүүлэх тухай мэдээлэл гэр бүлийн гишүүдэд хүрсэн эсэх:
Үйлчлүүлэгчийн ар гэр: Тийм Үгүй

..... /...../
/Албан тушаал/ /гарын үсэг/ /гарын үсгийн тайлал /

Утас:

Хамаатан, төрөл саданд: Тийм Үгүй

..... /...../
/Албан тушаал/ /гарын үсэг/ /гарын үсгийн тайлал /

Утас:

Хавсралтаар:

1.
2.

<p>Үйлчилгээ үзүүлж байгаа байгууллага нь тохиолдолын талаарх мэдээллийг үндсэн үйлчилгээ үзүүлж байгаа байгууллагадаа БУЦАХ МАЯГТ-аар хүргүүлнэ.</p>	<p>Тохиолдлыг хүлээн авсан: /Албантушаал/</p>
<p>Хувийн хэрэг шилжүүлсэн: /Албантушаал/</p>	<p>/гарын үсэг/</p>
<p>/гарын үсэг/</p>	<p>Гарын үсгийн тайлал: /...../ Харилцах утас:</p>
<p>Гарын үсгийн тайлал: /...../ Харилцах утас:</p>	

ХУВИЙН ХЭРГИЙГ ХААХ

Маягт ХБ 05

Хувийн код: _____

Огноо: 20__ оны ____ сарын ____ өдөр

Үйлчилгээний төлөвлөгөө хэрэгжсэн байдал:

№	Хамруулсан үйлчилгээ	Хугацаа	Гарсан үр дүн, биелэлт	Үйлчлүүлэгчийн гарын үсэг

Хувийн хэргийг хаах болсон шалтгаан:
Хувийн хэргийг хаах талаар үйлчлүүлэгчийн бодол, сэтгэгдэл:
Хувийн хэргийг хаах талаар гэр бүлийн гишүүд, асран хамгаалагчийн бодол, сэтгэгдэл:
Дүгнэлт


Үйлчилгээ үзүүлсэн нийт хугацаа: _____ /жил, _____ сар, _____ өдөр/

Хянасан: Засаг дарга /

Хаасан: Нийгмийн ажилтан /

Танилцсан: Хамтарсан багийн гишүүн: /

Танилцсан: Гэр бүлийн гишүүн, эцэг, эх, асран хамгаалагч..... /



НУУЦЫН ГЭРЭЭНИЙ ЗАГВАР

Нэг. Нийтлэг зүйл

1.1. Энэхүү гэрээг Хувь хүний нууцын тухай хуулийн 5 дугаар зүйлийн 5.2, 5.3, 5.4, 6 дугаар зүйл, Гэр бүлийн хүчирхийлэлтэй тэмцэх тухай хуулийн 4 дүгээр зүйлийн 4.1.4, 7 дугаар зүйлийн 7.2, 8 дугаар зүйлийн 8.1.2, 23 дугаар зүйлийн 23.6, 35 дугаар зүйлийн 35.5, 42 дугаар зүйлийн 42.3, Хүүхдийн эрхийн тухай хуулийн 7 дугаар зүйлийн 7.3 дахь заалтад заасан хувь хүний болон хүүхдийн нэр төр, мэдээлэл, гэр бүлийн амьдрал, эрүүл мэнд, хувийн харилцааны нууц, орон байрны халдашгүй байдал, хувийн орон зайгаа хамгаалуулах эрхийг хүндэтгэх үүднээс Нэг талаас: дүүргийн -р хороо/сум/багийн хамтарсан багийн хуралдаанд оролцож буй /цаашид А тал гэх/ / РД/ - тай тал, нөгөө талаас: дүүргийн -р хороо/сум/багийн хамтарсан багийн ахлагч, Засаг дарга нар /цаашид Б тал гэх/ харилцан тохиролцож байгуулав.

1.2. Гэрээ нь хамтарсан багаар үйлчилгээ үзүүлж буй иргэний эрхийг хүндэтгэн Монгол улсын хууль тогтоомжид заасны дагуу хувь хүний нууцыг чандлан хадгалах зорилготой.

Хоёр. А талын хүлээх эрх, үүрэг

2.1. Хамтарсан багийн хуралдаанаар хэлэлцсэн асуудал, хувь хүний талаарх мэдээллийг гадагш задруулахгүй байх;

2.2. Үйлчлүүлэгчийн амь нас, эрүүл мэндэд аюултай нөхцөл үүссэн эсхүл зайлшгүй мэдээлэх шаардлагатай гэж үзсэн мэдээллийг хамтарсан багийн гишүүдэд шуурхай өгнө.

2.3. Мэдээлэл өгсөн хүн мэдээллийн үнэн зөв эсэхийг бүрэн хариуцна.

2.4. Хамтарсан багийн хуралдаанд зөвхөн өөрт хамаатай асуудал хэлэлцэх үед оролцох ба бусад асуудал хэлэлцэх үед оролцохгүй.

2.5. Хамтарсан багийн хуралдаанд оролцохдоо үйл ажиллагааг баримтжуулан авч үлдэх, бичлэг хийх, зураг авах, олон нийтийн хэвлэл мэдээллийн хэрэгслээр мэдээлэхгүй байх.

Гурав. Б талын эрх үүрэг

3.1 Үйлчлүүлэгчийн эрх ашгийг хамгаалах, мэдээлэл авах, дэмжлэг үзүүлэх зорилгоор А талыг хамтарсан багийн хуралдаанд оролцуулна.

3.2 Үйлчилгээний явцад үйлчлүүлэгчийн нууцлахыг хүссэн зүйл нь өөрт нь эсхүл бусад хүмүүсийн эрүүл мэнд, аюулгүй байдалд сөргөөр нөлөөлөх өндөр эрсдэлтэй байгаа, хамтарсан багийн гишүүд хуулиар хүлээсэн үүргээ биелүүлэхэд саад учруулж болзошгүй тохиолдолд Б тал үйлчлүүлэгчийн нууцийг хадгалж, хамгаалах боломжгүй тухай А талд урьдчилан мэдэгдэнэ.

3.3. А талд хуралдааны ерөнхий зарчмыг танилцуулан, эрх, үүрэг, оролцоог нь тайлбарлаж өгсөн байна.

3.4. Хамтарсан багийн өөр бусад асуудлыг хэлэлцэх, өөр тохиолдол үед А талыг оролцуулахгүй байна.

3.5. Б тал нь А талын нууцлалыг хамгаалж, хадгалах үүрэгтэй.

Дөрөв. Гэрээний хариуцлага

4.1 Энэхүү гэрээ нь хоёр талын гарын үсэг зурсан өдрөөс эхлэн хүчин төгөлдөр болно.

4.2 Гэрээнд заасан зүйлийг зөрчсөн тохиолдолд холбогдох хууль тогтоомжийн дагуу хариуцлага хүлээнэ.

ГЭРЭЭ БАЙГУУЛСАН

Б талыг төлөөлөн:

.....
дүүргийн хороо/сум/багийн
хамтарсан багийн ахлагч:
нэр:

Гарын үсэг

.....

Огноо:

.....

А талыг төлөөлөн:

.....
дүүргийн.....
хороо/сум/ багийн хамтарсан багийн
хуралд оролцсон:
нэр:.....

Гарын үсэг

.....

РД:

Хаяг:

.....

.....

Утас:

.....